

Communicaziun allas medias digl cumegn da Surses (nr. 08-2022)

Surses: invitaziun all'exposiziun dalla concorrenza da project nova tgesa da scola primara Grava, Savognin

Igls resultats dalla concorrenza da project nova tgesa da scola primara Grava Savognin, vignan preschentos alla populaziun. Ultra digl project victorisader vignan er preschentos igls ulteriours nov projects inoltros. Chegl succeda cun ena exposiziun durant quatter deis respectivamaintg dus fegns d'emda.

La radunanza communal da Surses ò decida cun gronda pluralitad igl matg 2021, da planisar la nova tgesa da scola primara agl li actual Grava a Savognin. A madem mument è la suprastanza neida incumbensada da lascher elaborar igl project da detagl per ena nova tgesa da scola.

La nova tgesa da scola primara duess rastar agl li actual Grava a Savognin. Igl bietg existent vign pero sbuo, per erriger ena nova tgesa da scola tgi corresponda allas preteisas d'ena scola moderna.

Siva da chesta decisiun dalla radunanza ò la suprastanza lantschea ena concorrenza da project. An chel connex è nia defino en program da spazi exact ed uscheia òn igls biros d'architettura participos pudia scumanzar cun lour labour. La giuria ò antschatta matg 2022 examino e valetto igls diesch projects inoltros. Las diesch propostas èn da gronda valeta e la labour dalla giuria è cotras stada ena gronda sfeida.

Exposiziun publica alla sala Grava, Savognin

Igls resultats dalla concorrenza da project cugl project victorisader vignan preschentos e fatgs accessibels alla populaziun. Chegl succeda cun ena exposiziun da project tgi ò li an sala Grava a Savognin.

- sonda, igls 18 e dumengia, igls 19 da zarcladour, mintgamai dallas 14.00 – 17.00;
- sonda, igls 25 e dumengia, igls 26 da zarcladour, mintgamai dallas 14.00 – 17.00.

L'antiera populaziun è anvidada cordialmaintg.

Tinizong, igls 13 da zarcladour 2022